

Nan ta kanta nos ta balia

Riba ritmo
di Aruba Dushi Tera
ku bandera
den nos man
nos ta balia wals
ku anán a duna nos

Na skol nos muchanan
lo siña awendia
un ortografía
ku a para bira
un chérchè pa Aruba
anán ta kanta
anós ta balia

Riba olanan
di Status Aparte
nos ta drif bai
den nos . . .
nos Aruba so
su so den mundo
un kabes chiki
di un feneta
ta na unda
nos ta bai
anán ta kanta
anós ta balia

Ki nos mes
e mes un pueblo
sa ta ki
ta sosodé
si nos tir'un bista
rista den tur skina
lo nos ripará
k'un kantidat
di nos Rubiano
un'sa
ki ta andando
pesei
anán por kanta
anós ta balia

Si nos sigi bai
asina
nos demokrasia
ta para bira
diktatura di berdat
libertat di skirbimento
ta na unda
bo a keda
pero
anán ta kanta
anós ta balia

Nos Rubiano
lanta para
mira kiko
nos por hasi
lag'e kanto
i e balia
tin nan harmonia

Nena Bennett